

KP1M

buka bilik

gerakan khas

MINDANAO 26 Dis. - Meskipun berada jauh di Filipina, Kelab Putera Malaysia (KP1M) tetap membuka bilik gerakan khas di Davao City di sini, bagi memantau keadaan banjir yang melanda penduduk di Kelantan, Pahang dan Terengganu.

Presidennya, Datuk Abdul Azeez Abdul Rahim berkata, bilik gerakan itu bagi membolehkan KP1M menyelaraskan bantuan kepada mangsa banjir di ketiga-tiga negeri itu meskipun ketika ini sedang sibuk membantu mangsa taufan Bhopa.

"Setakat ini, kita akan menghantar kira-kira 1,000 tilam, selimut, air minuman dan barang keperluan asas lain kepada mangsa banjir di ketiga-tiga negeri itu.

"Selain itu, seramai 50 sukarelawan juga akan berlepas ke Pahang dan Terengganu pada pukul 5 petang ini," katanya kepada pemberita di sini hari ini.

- UTUSAN